

Penganjuran Program Sembang Santai Industri Sukan Negara Akibat Pandemik Covid-19

UMMI KALTHUM MOHD MOKHTAR

Fakulti Sains Sukan dan Rekreasi, UiTM Kampus Seremban

Pada 12 Jun yang lalu, pelajar Ijazah Sarjana Muda Pengurusan Sukan Semester Dua (2) telah menganjurkan program 'Sembang Santai: Kesan Industri Sukan Negara Akibat Pandemik Covid-19' menggunakan platform Youtube secara langsung. Panel jemputan adalah dalam kalangan atlet kebangsaan iaitu Nur Fariha Abdul Razak, An Najwa Azizan dan Nabil Jeffri. Objektif utama program ini dianjurkan ialah bagi memenuhi keperluan subjek SMG252, Pengurusan Sukan. Program sukan yang dianjurkan dapat memberi pendedahan kepada pelajar untuk merancang dan melaksanakan program sukan secara maya dengan jayanya.

Panel jemputan, iaitu Nur Fariha Abdul Razak dan An Najwa Azizan merupakan pemain bola jaring kebangsaan. Pencapaian tertinggi mereka adalah pemenang pingat emas Sukan SEA dalam sukan bola jaring pada tahun 2016 dan 2017. Bagi Nabil Jeffri, beliau-

merupakan pelumba kereta Formula Malaysia yang berasal daripada Kuala Lumpur. Pencapaian tertinggi beliau adalah dalam FIA World Endurance Championship 2018, 2019.


Sesi Sembang Santai Sukan akibat pandemik Covid-19 ini telah banyak memberi impak besar kepada industri sukan negara kita di mana hampir kesemua sesi pertandingan terpaksa ditangguhkan akibat pandemik Covid-19 ini. Institusi-institusi sukan juga terpaksa ditutup bagi membendung wabak koronavirusini. Kesannya, para atlet bukan sahaja tidak dapat menjalani latihan secara berkala, malah hal ini turut memberi kesan kepada psikologi serta sumber pendapatan atlet. Para atlet dilihat sukar untuk mengekalkan momentum dan prestasi diri dari semasa ke semasa.

Dalam konteks pandemik Covid-19 yang melanda kini, perubahan-




landskap program-program sukan yang dianjurkan ternyata telah berubah. Perkembangan teknologi kini membolehkan program larian secara virtual, pertandingan rakaman video kecergasan serta pertandingan e-sport telah mendapat perhatian dalam kalangan siswa siswi masa kini. Kita sedia maklum bahawa teknologi telefon pintar banyak memberi impak kepada penganjuran sukan secara virtual yang semakin pesat mengembang.

Secara keseluruhannya, Program Sembang Santai ini telah dapat dijalankan dengan jayanya mengikut perancangan tentatif yang ditetapkan. Segala kesulitan yang timbul telah dapat diselesaikan secara profesional. Diharapkan program yang berlangsung dapat diteruskan pada setiap semester bagi membolehkan siswa siswi mampu menganjurkan program sukan walaupun secara maya.



Sesi bergambar antara moderator dan panel jemputan.



Jawatankuasa Pelaksana Program Sembang Santai Sukan